

Nuorttanaste

»Gæa dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 8.

7id jakkegærdde.

»Nuorttanaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

30ad April 1905.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Dam audogassan dakke osko divrasvuotta

Mon læm lorkkam ovta boares
mainas muttom olbma birra, gutte
læi jottemen ovta mæce čađa, ja gut-
te læi nælgai jabmemen. Son bođi
muttom baikkai, gost jottek æska leg-
je læmas, ja go son læi juoida occa-
men borramuššan, gavnai son ovta
ucca gurpaša, ja son gadi, atte son
dam siste gavdna muttom slai mor-
jid. Mutto go son dam rabai, de son
gavnai dam siste dušše skalčoid ja
silbbarudaid. Son buok daid morra-
šin erit suppi ja celki: »Dam gurpest
legje dušše ruđak.« Okta aidno laib-
betta daihe fikum lifči dal sagga
æmbo arvost adnujuvvum sust go ol-
les bomba dieva ruđak ja vel gollege.
Migjidi buokaidi boatta okta bæive
okti, go mi mielalažat biettalifčimek
obba mailme riggodaga dam dinga
fidnem diti, maid Pietar goččoda:
»Min mavsolaš oskon.«

Pietar rakisti dam sane »divras«
daihe »masolaš.« Dat læ okta dovd-
domærkain dam ala, atte sæmma ol-
mai læ goabbašag brævai čallam, mak
guoddeba Pietar nama. Son sardno
Kristus divras vara birra, dam divras
čiekagædže birra, miu osko divras-
vuoda birra ja dai stuora ja divras
loppadusai birra.

Ebreagirje čalle cælkka: »Mutto
osko læ nana vissesvuotta dam ala,
mi doivvujuvvu, ja nana dorvvo dam
harrai, mi i oidnujuvvu.« Dat osko
dat læ, maid Pietar adna mavsolaž-
žan.

1) Dat læ mavsolaš damditi go
dat læ dat kanala daihe røra, man

čađa Jesus ællem ravnje golgata min
silloi. Dam kanalast læ su stuora
arvvo, damditi go dat čacce, mi dam
čađa golgga, læ mavsolaš. Juokke
gavpugest gavdnujek dak nuftgočču-
juvvum čaccerørak, ješaldesek æi læk
dak rørak nuft divrasak; mutto dat
čacce, mi dai čađa ožžujuvvu juokke
gardemi, læ mavsolaš; dastgo olbmui
hægga dam bokte bajasdoalatuvvu.
Kristus assa min vaimost osko bokte
aivestassi. Ašše loikasvutti ja goikke-
aigedi kristalaža lutte ja maidai særv-
vegoddin læ, atte suddo læ bođđotain
osko røra nuft atte Kristus i basa
sis. Moridus ja vuoiñalaš hæga ođ-
smattujubme læ dam kanala butte-
stæbme.

2) Osko divrasvuotta orro mai-
dai dast, atte dat suogjala buok sorb-
mijægje vašalažai vuostai. Mi læp
lokkam »osko galba birra,« mutto
vuoigadvuodain læ celkkujuvvum, at-
te Kristus læ dat riftes galbba, ja os-
ko læ dat gietta, mi dam min ouddi
doalla. Værrer osko adda værrer vis-
sasmattujume. Ædnagak min aigege
čægjadusa gæino alde læk aito jure
værrer osko gæčeld. Muttomak luttek
sin burid dagoi ala, muttomak čera
olbmui ala, ja muttomak fast boatte
aigi ala. Kristus, aivestassi Kristus
læ min suogjalægje. Son bajasdoalla
ja varjala min buok vašalaža njuolai
vuostai, ja su fabmo ollašuvva min
hægjuvuoda siste.

3) Divras læ osko Kristus ala
maidai dam sivast, go dat mieldes
bukta famo. Osko Kristus ala læ
čađa obba olmušsoga historia dugjum
ouddanæme dasa mi buorre læ. Olb-
mu jierbme læ famolæmus ja buorre-
mus go osko Kristus ala dam ožžo
stivrrit. Damditi oaidnep mi, atte
birra buok, gost dat osko læ saje ož-

žom olbmui vaibmoi, dobbe læ sin
dille buoreb sikke rumašlažat ja vuoi-
ñalažat. Osko i bala vaddesvuodain,
dastgo dat dietta, atte sust fabmo læ.
»Mon væjam buok Kristus siste,«
cælkka Paulus. Dak læk appasmatte
sanek sigjidi, guđek æska læk jorgga-
lusa dakkam. Si ožžuk væke Jesu-
sest vuorddet lika sikkaret go dam
bæivača, mi itten bajasbagjana.

4) Rigges jeđđetussi læ maidai
dat divras osko. Dat i gæa persov-
nai bællai. Jos don læk vaivaš, de
læk don almake riggasæbbo go Krø-
sus, jos don suittak Kristusa gurre-
mættom riggodagaid. Jos don læk ol-
lo tapim, ja don rabak dam basse
girje bibala, de don dobbe logadak,
atte »dak divras ja stuora loppadu-
sak« læk dudnji addujuvvum. Mon
du ouddi dasa bijam ovta ouddanær-
ka. Mi jurdašep, aite don poasta
mielde oazžok bræva, mast dudnji
dieđetuvvu, atte don læk buok mas-
sam, maid don suitak. Go don ain
læk dam bræva lokkamen, de loaida-
sta okta du ustebin sisa. Son oaidna
atte don læk morrašest, ja son ravk-
ka dust dam bræva lokkat; ja go son
dam læ lokkam, cælkka son dudnji
stuora mašoin: »Læge buore dorvost,
mon aigom du væketet.« Dallanaga
arvostmuvak don. Aito nuft boatta
Jesus dam moraštægje ædne lusa ja
cælkka: »Ale čiero. Mon læm du
rakis mana valddam mu sallasam.«
Son boatta dam vaibbam sardnægje
lusa ja cælkka: »Sarned fal evangeli-
um; olgusgilve dam buore siebmana.
Mon ješ addam šaddo.« Duotta læ,
atte buok sevdnjis ja vaddes boddoi
siste dævdada osko su goallos loppa-
dusa olljoin, maid Hærra Jesus adda.
Albme læ maidai migjidi dušše okta
loppadus vela; mutto oskolaš siello læ

nuft visses dam ala, dego son juo lifēi dam šelggis balgai alde dobbe vagjölēme.

Dat osko Jesus ala læ divras maidai damditi go dat læ maksam nuft ollo. Kristusi læ dat maksam Getsemane atestusa ja Golgata oaffara. Migjidi læ dat maksam suddogatamuša ja hilggoma, ješječamek biettalēme ja soade vašalaža vuostai. Davja darbašuvvu hui bakka oaman go golle galgga dakkujuvvut šelggaden ja čabbasen. Ja made garrasæbbo stoarbma bosso dađe čavvgadæbbo cieggga ancor bodnai.

(Th. L. Cuyler).

Moridus Kristianiast.

Dam dalve læ min oaiivvegavpugest læmaš stuora kristalaš moridus. Okta nuorra olmäi, gæn namma læ Lunde, gutte aitosazat læ amerikanaš dača, læ dat gaskaoabme, maid Ibmel læ adnam su bargostes. Dam olbma čoaggalmasak læk nuft stuorak, atte dat stuora sardneviste, mi goččujuvvu »Carl-Meyergadens behus,« šaddai ila uccen, vaiko dat læ gal Kristiania stuoremus sardnestoppo. Dat siettata arvo mielde 5000 olbmu. Kristiania bisma særvalagai papaiguim læk fallam dam sardnedægjai gavpuga stuoremus girkoide. Dat moridus i læk dušše barggo-olbmuid ja vaivašid gaskast, mutto maidai buoreb dilalažak, hærmas bæle olb muk fertijek sogjat Kristus ruosa vuollai. Im læk vel mon ouddal goassege oaidnam, atte politikalaš avisak læk čallam kristalaš moridusa birra; mutto dal gavdnujek mästa juokke ovta Kristiania avisain bittak moridusa birra. Avisak čallek ječa læk fidnam daina moridus-čoaggalmasain, ja orro čerjetēme nuft, atte Vuoignā læ singe vaimo guoskaldattam. Savamēst læ, atte dat moridus, mi dal min oaiivvegavpugest læ alggam, vidanifēi min ædnam mietta, maidai Sameædnam.

Moridus Engelandast ja Amerikast.

Lasse Čad nummari.

Gaskaijačoaggalmasak maidai adnuje dam gavpugoasest, maid goččū-


jegje »Dai ruksis čuovgai baikke.« Juokkehaš gutte dovdda daid amerikanaš gaskavuodaid, dietta, maid daggar namatus sistesguodda suddost ja hæpadest. Olgouvsast ædnag vistin dam gavpugoasest oidnu okta ruksis čuovgaš, daihe manotæbe-lampa. Dat læ suddo ja bahadago mærkka. Ja juokkehaš, gutte mædda manna dietta, atte dai uvsai siskabælde vurddes olles joavkko nuorra nieidak, guđek rubmašidesek vuvddes ruđai oudast. Mi oaidnep dalle nabbo, atte daggar gavpug-oasek læk suddo bæsek.

Kl. 10 ækkedes čoagganek kristalažak juokke dam gavpuga guovloin ovta čoaggalmasvistai, mi dokko læ rakaduvvum, ja go si læk rokka-dusboddo adnam, mannek si daidi suddo besidi ja dobbe mieldesek ožžudek olbmaid ja nissonid čoaggalmasvistai. Maidai vinevuovdemlanjain ožžuk si ædnagid mieldesek. Dam gavpugest læ okta gata, man namma læ »Market Street;« dat gata læ dego okta helvet ædnam alde; mutto dobbe čoggek si maidai ædnak čuđid čoaggalmasaidi, ja ædnagak daina vuittujuvvujek ja oamastek dam audogassan dakke osko. Dam moridusa bargost oidnujek kristalažak buok ædnamlaš fidnoin ja dilin: Gavppeolbmak, juristak, gavpuga papak ja finansemus nissonak, buokain, gæina aldesek læ Bassevuoina dolla vaimost, halidek, atte vel dak buok gukkemusad Ibmelest erit gaidam sielokge galgašegje dam sænmma vuoina oazžot.

Bærjadaga dam 20ad januar læi oktasaš rokkadallambæivve. Kl. 10 læi čoakkim sierranæssi juokke særvegoddes, ja buokain legje vistek dievva olbmui. Čoaggalmasak biste ovta dimo. Klokka 1/212 dappujuvvujegje juokke kramburi kl. 2 ragjai nuft atte buokak besse čoaggalmasaidi mannat gaskabæive aige. Gavpuga poletimæistar olgussaddi dam goččoma, atte buok doaimatusak ja fidnok galggek orostattujuvvut dam aige. Sikke poletimæister ja stata guvernora læiga čoaggalmasast.

Njællja theatera ja okta gavpuga stuoremus girkoide legje kl. 12 devddujuvvum olbmui. Rekenastujuvvum læ, atte 12000 olbmu legje čoaggalmasain, ja poletiak muittalek, atte uccemusad 10,000 čužžū olgobælde, go i læm sagje siste.

Nuft dat šadda, go Hærra Vuoignā ožžō dugjot darbašvuoda olbmu vaibmoi. Dalle šadda jæraldak, maid galgam mon dakkat, vai mon audogassan šaddašim? Addus Ibmel, atte maidai min ædnam daggar oappaladam aige boadaši.



Gukken ja lakka.

Japanana bivdok.

Okta Japanalaš stipendiajotte Tokiost, gæn namma læ Sakowo Ayabe, læ jottam dabe Norgast 10 manō ja studerim min bivdoid erinoamašet dorskebivdoid, guolleragjammege ja vuoivasdampema. Son bođi gieskad Gryllefjorast Harstai, gost muttom avisačalle su sagain finai ja oazoi dam dieđo:

Arvo mielde 3 million olbmu Japananest elek aivestassi bivdoin. Salledbivddo læ Japanana oaiivve bivddo. Salled dobbe bivddujuvvu firmiguim. Japan bivdda nuft ollo salledid, atte dobbe salled saddijuvvu æra ædnamidi. Ollo salled dobbe adnujuvvu ænaduktan, ja stuora oassebolddujuvvu lieksen.

Nubbe guollesorta, mi dobbe bivddujuvvu læ sardina. Dat adnujuvvu sænmma lakai go salled. Ja de boatta makrel ja luossabivddo. Dam guovte guollesortas i saddijuvvu ollo ædnamest olgus. Mutto dam sagjai olgusdoalvo Japan ollo akara (skuttara), mi varasnaga saddijuvvu Kinai; dastgo kinesalaš læ hui vaibmel dam guollai, ja dat læ nuft divras dobbe, atte dat i gavdnu æra go riggis olbmai bævde alde. Japananest maksujuvvu akar oudast kr. 40,00 rajest 90,00 kr. ragjai čuode kilost, dađe mielde go dat læ buorre. Kinai dolvvujuvvu akar 3 million kr. oudast jakkasazat. Muttom æra hersko Kinesalažai lutte læk debbok — davalaš snavva duolbba bladdedebbok. Daid bukta Japan Kinai 2 million kr. oudast jakkasazat. Daid debboide borra Kinesalaš stuora vaibmelvuodain. Baldes bivddujuvvu Japananest ollo; mutto cēnaš dat adnujuvvu ædnamduktan, go čei liko borrat dan guole. 50 kilosas baldes maksa davalažat 80 ora rajest kr. 1,00 ragjai; mutto sandagak dob-

be læk divrras. Tokiost, Japan oaiv-
vegavpugest maksujuvvu ovtava-
laš sandaga oudast 2 ja 3 kr.; dalve
aige dadeke læk vèhaš halbebužak.

Muttom æra guollesortta, mi
Japanest gočēujuvvu Buri, bivddujuv-
vu dobbe ollo; dat læ bagjel meter
gukke, ja dat dædda davalažat 8 ki-
lo. Dat guollesortta i gavdnu Norga
mærast. — Japan olgussadde jakka-
sažat oktibuok 18 million kruvna ov-
tast. Ja go dasa vela boatta, atte
juokke olmuš Japanest, gost olmuš-
lokko læ bagjel 45 milliona, borra guo-
le juokke bæive vakkost, de arvve-
dep mi man ollo guolle dobbe manna.
Japanest æi adnujuvvu bivddo-dam-
pak æra go falesbivddoi. Fales dob-
be bivddujuvvu ollo, ja dam liekse
adnujuvvu saipo ja starimlivosid raka-
dubmai. Ollo falesliekse dolvvujuvvu
Japanest Hongkongi Kinai, Amerikai
ja Tuiskaædnami.

Lofotbivddo.

15ad april ragjai læi Lofotast fis-
kijuvvum $13\frac{2}{10}$ million guolek, mai-
na læk henggiuvvum $4\frac{3}{10}$ million.
Vuoivashivvodak læi 1707. damp-
medecinliekse læi 11,220, Mæddenhiv-
vodak 15,700 hl. Vadnasi lokko 3760,
maina legje 1233 fierbmevadnasa. Oas-
teskipai lokko læi 155. Vuoivashek-
tolitari manne 350 rajest 900 ragjai.
Vuoivashadde læi 14 øra rajest 20 ø-
ra ragjai. Guollehadde læi 23 kr. ra-
jest 28 kr. ragjai čuođest.

Kaptein Nilsen,

gutte læ oudal læmaš jottelesruta-
dampa »Vesteraalen« kaptæinan, læ
dal heittam su virges. Sudnji læ
mærruduvvum pension 1800 kr. ja-
gest.

Gost læ Maddavarjag?

Okta avisa, mi olgusboatta Dram-
men gavpugest muittala, atte muttom
lavardakækked gieskad čokkajek mut-
tomak ovta barberstobost. Si legje dok-
ko boattam skavča erit rakitet. Okta
daina lokka alladet gakkadægje jie-
nain avisast, atte 7000 bargge dar-
bašuvvujek Maddavarjaga malmava-
rin. Okta herra dasto oudanbukta
dam vaddes gačaldaga: »Mutto gost
læ Maddavarjag?« Muttom, gæn bar-
berar læ rakemin vasteda: Maddavar-
jag læ Amerikast, Nord-Dakotast.«
Muttom kontorista, gutte maidai čok-
ka ja lokka avisaid sutta, go son gul-

la daggar daidemættomvuodā, ja bak-
koda: »Gula dal duon, ihan Madda-
varjag læt Amerikast. Dat læ Nor-
gast Stavanger ja Hardanger gaskast.«
Ja si jakke buokak dasa.

Mi oaidnep dast, atte æi dak
mate burist Geografia dobbe madden
min ædnamestge.

Suobmelažak besse

soattebalvvalusast.

Suoma senatas bajaslokkujuvvui dam
 $\frac{31}{3}$ kæisarlaš manifesta (čala), mast
dieđetuvvu lensmannidi, atte Suoma-
ænam juokke jage galgga makset
Ruošarika kassi 10 million marki
soatte darbašvuodaidi. Mutto Suoma-
ænam i darbaš dasto soaldatid saddet
Nuortta-Asiai. Divrrasen dat galle
gartta Suoma ripoi.

Ruoša mænnođus soaldati akaiguim.

Muttom ruošalaš bladde almota
ovta bræva, maid okta judalaš soal-
dat Mandshuriast læ čallam su akka-
ses, gutte assa vanhemides lutte Kie-
wast, gosa jotte Judalažak æi oažo
asambaikē valddet. Dam brævast čal-
la son navt:

»Rakis akašam!

Du girje, mi læ čallujuvvum 16-
ad december, læm mon lokkam, ja go
mon dam lokkim ferttijim mon čier-
rot. Don čalak, atte don ja monno
manak ferttibetek nælggot, ja atte
don aigok vuolget managuim du a-
čad lusa Kiewi. Dat mu mielast orro
vela hirbmadaebbo go nælggom. Moad-
de bæive dastouddal lokkim mon ov-
ta bræva, maid mu usteb Simcha læi
ožžom akastes. Son čalla, atte son
oktan nieidaines læiga vuolggam su
vieljas lusa Kiewi; mutto go soai dob-
be læiga moadde bæive orrom, fertti-
ge soai dam gavpugest erit vuolget.
Ja sivvam dasa læi, atte su vielja da-
lost politiak adne iskama, ja si gavd-
ne dasto dam nissona ja su nieida,
guđek læiga čiekkadam ovta skapa
duokkai. Okta poletiaim doppi su
soagjai ja gočēoi su čuovvot ječas
mielde. Dat datatuvai kl. 2 ikko.
Dat nisson rieppo algi čierrot ja rok-
kadalai: »Diktet mu orrot mu vielljem
lutte, mu boadnja læ soađest.« Mutto
poletia vastedi garraset: »Doala njal-
mad gidda varnotes Judalaš-nisson ja
vuolge erit gavpugest dallanaga.« Si
dolvvu su poletistationi, ja nubbe

bæive fertti son oktan manaines vuolg-
get.

Go mon jurdašam, atte maidai
dudnji matta sæmma lakai gævvat,
de ferttim mon čierrot. Mon orom de-
go oaidnemen, moft poletiak ija aige
bottek, bajasgaikkot du ja manaid
din oaddešajen erit ja dolvvuk din
stationi, ja go don rokkadalak armo,
de vasteduvvu maidai dudnji: »Vuol-
ge gavpugest erit, don varnotes juda-
laš nisson!« Moft dat dadde matta
hirbmosen dudnji garttat. Mon læm
juo dabe guovte gærde sarjaduvvum,
daidam mon sarjaduvvut vel æmbo
havid, daihe daidam mon farga jab-
met, ja mu akka ja manak agjujek
Kiewa gavpugest erit, vaiko dakge
læk okta oasse dam vanhemædna-
mest, man oudast mon soadam. . . «

Dam lagan læ ædnagi dille dam
stuora Ruošædnamest, man olmuš
lokko læ arvo mielde čuođe duhat.

Iudiast

læ gieskad læmaš hirbinos ædnam-
doargastus, man bokte 13,000 olbmū
hæga manne.

Finmarko amtmaud

læ dam manost čadajottam Samiæd-
nam iskam ja arvvaladdam diti bo-
coguottom ædnami birra. Son bajas
manai Tanajoga Garašjokki ja dobbe
fast Guovdddageidnoi ja Altai. Son
læ maidai Samin gulaskaddam Suoma
ja Ruoda boacoeloid sisabakkima bir-
ra Norga raje siskabaellai.

Guokta franskalaš turistdampa

galggaba dam jage fidnat Norgast.
Nubbe dam guovtost finai dabe-
mannam gæse.

Raðditus arvvala

prins Gustav Adolphi addet 50,000 kr.
jagest. Ruodast aigguk addet čuođe
duhat.

Okta bagjesabmelaš

Hattjeldalast, Helgelandast, gæn nam-
ma læ Ole Thomassen, læ fidnam
gieskad Kristianiast ædnambrukami-
nister lutte ja oudanbuvti sturradig-
ge ja rađditusa oudi sami vaiddalu-
sa boacoguottom laga birra. Dat laka
asatuvvui dam jage 1897. Ole Tho-
massen læi jottam ja sarnotallam Sa-
mid Nordlanda amta rajest gidde
Bratsberga amta ragjai.

121,000 kruvna

olgusmaksujuvvui marts manost balkka bargidi Kiruna malmavarin. Bargi lokko læi 940 olbma.

Okta Islanda olmaj

læ dinggom 300 Norga fiskarid gæssebivdo drivet Islandast. Dak galgek dokko dolvvujuvvut 30ad mai.

Loddobivddo.

Dam 21 april ragjai læ bivddujuvvum: Tuffjorast 1,330,000 kgr. guolek, henggijuvvum 120,000 kgr. Medecinlieksehivvodak læi 738 farpal. Vadnasi lokko 230, 1150 olbmain. Oasteskipak legje 40.

Iĕĕain (Ingø) 1,357,000 kg., henggijuvvum 352,000 kgr. Medecinliekse 600 farpal. 360 vadnas, 1560 olbma, 27 skipa.

Honnesvagest 427,000 kg., henggijuvvum 307,000. Medecinliekse 182 farpal. 142 vadnas, 637 olbma 13 oasteskipa.

Gjesvæ rast 600,000 kgr., henggijuvvum 226,000 kgr. Medecinliekse 330 farpal. 175 vadnas, 695 olbma. 9 skipa.

Amerikai vulgge

min cednamest 800 olbma mannan vakkost.

Dam ruošalaš oaivamus

Sergius sorbmijægje læ dal dubmijuvvum jabnemi.

Cudiš statsraad Hauge

læ dal namatuvvum giellapappan Skien gavpugi.

Soatte.

Dal i gulle mikke erinoamašet soađe birra. Dušše muittaluvvu, atte guovte vakko gæcest šadda stuora mærrašlaga. Admiral Roschdestwensky galgga læt čoaggemen flaata čoakkai. Maidai muittalek avisak, atte su arvulus læ blokeret Japana moadde saje.

Lofotast

læk muttom fiskarak tinim hui burist gidda 1200 ja 1600 kr. ragjai olbma oassai. Mutto ænaš oasse Lofotfiskarin, erinoamašet dak, gudek læk sukka »Østlofotenest,« æi læk baljo vuoššamguolege goddam. Buoremus bivddo læ dam dalve læmaš Væstalofofast.

Stuora lokko.

Indiast læk 23 million læskak, maina 70,000 læk smava nieidak, gæk vel æi læk dævddam 10 jage. Dobbe læ dam kristalaš gikko mišsonast stuora barggo-ænem. Dobbe darbašuvvu čuovgga ja rafbe, Kristusa evangeli-um fabmo suddolažai audogassan dakkat.

Okta amerikanalaš redaktora, gutte čalla ovta stuora kristalaš blađe Amerikast læ skenkkim 20,000 kruvna hættegillajegjidi Norgast.

Ruošaenam.

Ruošalaš kaisar læ olgussaddim čallaga, mast son dieđeta, atte religionfria- vuotta galgga læt ollaset Ruošaaednam mietta, ja læ dal maidai addam fria- vuoda studentaidi ja æraidi, gudek politika gæčel læk Sibiriai bigjum, ruoktot maccat baikidasasek.

Kinast

læ rađđitus gielddam orgelčuojatæme, ja dobbe i læk damditi oktage ožžom orgel adnet. Mutto dal gieskad læ dat laga paragrafha eritvalddujuv- vum, ja dat vuostas orgel læ dal matkes dokko.

Moridus Madda-Norgast.

Min ædnamest læ dam jage alggam, oazžop mi dagjat stuora moridus. Ibmelest læp mi ožžom oap- paladdam aige. Mi dasa vuolasčallet daid dieđetusaid, mak dam maņeb aiggai læk boattam daina moaddela- gan gavpugin ja baiken:

Horten gavpugest

čallujuvvu: »Dam gavpugest læk dam dalve ædnagak goccam suddo nakka- rin bajas ja stuora darbašvuoda dovd- dagoattam armo maņnai. Oskolažai lokko læ lassanam, ja Hærra særvve- godde læ ođda naveaid ožžom.«

Sandefjorast čallujuvvu:

»Muttomak læk dabege morranam ja læk alggam nuftgo lappum bardne čelkket: »Mon aigom čuožžezet bajas ja vuolgget aččam lusa.« Mi vuord- dep anebuid.«

Lierest lakka Drammen gavpuga bosso okta buristsivdnevuvvum hellu- dakbiegga. Čoaggalmasak dollujuvvu- jek olmušædnagvuodast devddujuv- vum vistin, ja Hærra nanne su sanes mieldečuovvo mærkauigum.

Randsfjorast

læ maidai smavaset alggam moridus. Ædnagak čoakkanek Ibmel sane bir- ra, ja mangas erinoamašet nuorak gessujuvvujek Ibmel guvllói.

Birgen gavpugest

merkkijuvvu moridus, mutto i dam mærrai go Kristianiast. Dobbe læ gal læmaš duolle dalle ouddalge vuoina- laš likkatus obba famolažat.

Fredrikshaldast

læk ædnag olbmuk morranam dam dalve, muittala okta dam gavpuga papain. Girkkomannam ja altargusi lokko læ lassanam.

Sarpsborga gavpugest

muittaluvvu, atte dobbe læ čavča ra- jest juo læmaš stuora vuoinalaš lika- tus. Ædnagak læk alggam oskot sud- doidæsek andagassi Jesus varast ja namast.

Mos gavpugest

læ sardnedægje Albert Lunde fidnam ja sardnedam stuora čoaggalmasaidi. Dobbe maidai læk ædnagak morra- nam.

Mi oaidnep nabbo dalle, atte Ib- mel vuoina læ garraset barggamen min ædnam maddagæččen. Mi oaid- nep maidai, atte son i læk, nuftgo muttomak lavvijek naggit, čadnujuv- vum olbmaidi ja baikidi. »Biegga bosso, gost dat datto, ja don gulak dam šuvvama; mutto don ik dieđe, gost dat boatta ja gosa dat manna.«

Dat »Nuorttanaste« nummar čallujuvvu Vargaid gavpugest.

Min ædnam

dorskebivdok 24ad marts ragjai læk sisabuktam bagjelaš 17 million, mai- na 4¹/₂ million læk henggijuvvum ja 12¹/₂ million saltijuvvum. Dampame- dicinlieksehivvodak læ 14,164 hl. Mæ- den 25,153 hl.

Tysklanda kruvnaprinsa

galgga naittalet dam 6ad mai Berli- nast. Su moarse læ dat mecklenbur- galaš-schwerinalaš prinsessa hertugin- de Cecilie.

Ruošaædnamest

sorbmiuvvujegje las mai 100 olbmu. Raffhetesvuotta ja aristerim bægga garraset.

»Nuorttanaste« čalle, prentejægje ja olgusad- de læ G. F. Lund, Sigerfjord, Vesteraalen.